

新化縣志卷第二十七

人物志十

任俠

明

譚文展

蔡光福

晏日昇

晏永慶

艾卿

袁禮遜

鄒文奎

黎玉英

陳君賜

國朝

羅民望

曾學進

蕭景榮

陳孟茂

鄒懋極

羅學棟

鄒世沂

曾正萬

鄒特三

周世桂

羅允芳

羅福琦

馬福維

羅啟紋

劉祚倫

聶大彬

曾俊

羅鈐

拱訓

游承緒

錦

李向榮

克

新化縣志

卷二十七

人物

任俠

一

李敘元

康文瓊

姜先貞

滋南

曾忠馥

曾唐柄

鄒孔經

譚文展家頗饒萬厯末知縣趙書以敏決稱催科頗嚴文展族中多逋負不能償文展出私財代完族中無繫獄者又有蔡光福者當明末兵荒相仍倡鄉勇以靖難捐積穀以療饑置義田造石橋凡有益於鄉里知無不為為無不力亦義民之亞也

晏日昇羅洪人讀書為府廩生負氣有幹略劉承允之復寶慶也獻賊餘黨散入邨落與邨匪共肆擄掠承允奉巡撫李乾德命團練鄉勇土豪有能募兵聚糧者給營所武職以資堵禦日昇得守備職分守新邵界駐馬鞍堡崇禎十七年春履任即勦走土寇汪洋尋又平周大有之亂周大有者高平人嘗橫行鄉里為邨長周時文所治投日昇為兵大有敏給有才力為日昇所任適劉承允

遣別校領兵卒督會鄉兵二百共勦汪洋日昇因令大有爲劉兵鄉導日昇旣擊走汪洋大有因愆劉兵轉掠周時文家殺其家口又劫日昇家殺日昇子永煌高平大亂日昇告於軍府撤劉兵還而置大有於理仍令日昇撫定亂民移守馬坳堡日昇死曾一鳴繼之受桂王劄駐常福邨與聶行六袁中和共勦滅汪洋後行六與中和又奪一鳴劄共結砦金鳳山以拒袁宗第

晏永慶字大和日昇之族也善使火鎗膂力絕倫嘗耕於野值野豕與虎鬪發一鎗斃之肩負而歸邨人聚眾結砦羅洪砦以其勇推爲砦主袁宗第之掠高平也遣裨將某度鳳司嶺分掠巴油破白石砦從漿塘下春溪永慶率鄉勇晏子順等迎擊之至洪巖橋有紅旗卒四人策騎前進永慶殺而奪其騎折橋以斷來路袁兵不得進更從鶩公腦入羅洪據砦下劉宅永慶見袁兵從別道入

新化縣志

卷第二十七

人物 任俠

二

督眾登砦拒守砦去劉宅近永慶發火鎗壞宅門壓斃數卒卒怒悉眾攻砦永慶令砦勇滾木石斃卒無數卒不能進陰遣健婦四人僞爲逃難者叩砦門永慶覺其詐探婦懷得火藥十餘觔遂殺之以徇袁兵乃繞香鑪山將轉攻其前忽大雨溼霧彌天袁恐逃歸高平先是邨人聞袁宗第將至皆結砦以守羅洪之北則有白石砦鹿角砦西則有五峯砦霧露砦賊旣破白石砦人皆走歸羅洪砦中故邨前後數千人皆不被其害

艾卿小平邨人以勇力稱崇禎末天王寺賊肆亂郡境郡守陶珙募兵卿以才力中選充總旗殺賊有功授百戶銜後又從劉承允復寶慶陞守備會國變流寇土豪所在肆虐土人爭結砦自保卿歸糾集鄉勇團練守境暴桀子弟皆聽約束無敢肆戍子十月劉體純由球溪上寶慶經小溪戒其黨無踐小坪境而卿恃勇率眾

數百人伏小溪半渡擊之賊死者甚眾賊怒率眾再至直抵卿宅卿率家人與之戰殺賊十餘人力不敵逃入山中賊焚其宅而去百是諸賊亦不敢復入小坪境矣吳逆之變卿遁跡深山逆將招之不出卿居鄉有保境功然頗好殺得異境人輒殺之小坪至今尙有殺人坪云

袁禮遜字和平高平人明末有土豪曾一鳴者受桂王劄招眾結砦常福寺禮遜不與同一鳴率眾攻曹家垠曹家垠袁氏所居也禮遜集其族子弟要截於謝家嶺一鳴敗北追至砦下奪其劄焚其所居屋廬一鳴眾遂散時明將袁宗第經高平屯兵古田禾破古城三角高鳳等砦禮遜率近邨男婦萬餘家保金鳳山砦宗第據雷王殿仰攻之山前有峻坂禮遜乘高發石兵皆披靡不得進宗第掠民間棺蓋縛三成一爲木塹以防滾石禮遜令壯士鉤去

新化縣志

卷第二十七

人物 任俠

三

之石如雨下又發大石壞雷王殿左角宗第驚退先是山砦乏水有馮某者守後砦決山杲以灌三日夜不絕流砦人得以濟牛鞍子者砦中頭目也輸款於宗第禮遜偵知之卽梟其首支解之懸於砦之四門宗第見知不可攻而砦糧水已絕宗第使人招之禮遜乃與眾泣約曰國公若殺我爾等當力戰以死殉不可降國公者宗第之尊稱也因祭砦主大哭而別旣見宗第以禮待之勸令犒軍禮遜乃還砦括金銀及婦女首飾納千餘金以獻宗第遂移營去所部兵皆退高平人卒賴禮遜以免

鄒文奎字光南世居洋溪性忼慨有膽略明末寇盜蜂起郡縣多陷歿鄉邨聞有警輒自亂文奎乃倡興團練之法於其境南山上壘石立砦南山者卽元末縣人楊天繼與羅志夫相持之處也其山東北三面壁立斗絕惟西面稍低獨通一徑文奎督令親子弟

百餘人分番防守飛石滾木以禦眾於是推文奎爲砦長乃分地築室以處晝則躬耕於野夜則斂眾歸砦男女各有寢處不相雜亂明號令信賞罰違者以軍法從事眾皆聽其約束不敢犯比王進才袁宗第兵至一營於砦邊一營於田心四面圍繞與南山相拒月餘不能破進才固知文奎名一旦從二騎抵南山下問山砦有光南其人否文奎出迎進才曰汝鄒光南耶吾欽子名久矣盍開門納我文奎諾延之入語及時事感泣交併畱飲竟日乃以牛數十頭犒其軍卽罷圍去或曰文奎業饜漢鎮曾結識進才於窮乏時或曰進才本文奎族人廷望官甘肅莊浪道僉事時養馬卒而康熙于志則云宗第兵數萬攻南山久不下遙見一金甲神巡繞砦閒袁兵懼禱之與砦議和砦仍堅守不下兩家兵旣去而高平鹿子白石文斤等處被圍之砦均以文奎一言而解

新化縣志

卷第二十七

人物 任俠

四

黎玉英與毛虎康甲相友善明季之亂十三鎮兵掠及縣境三人各結砦自守毛虎者佚其名有勇力士人以虎稱之康甲名亦佚三人同里閨所居名黃沙邨去縣治遠誓爲兄弟以捍潰兵牛萬才之掠桃茶也道經黃沙虎夜遣人掠其馬萬才怒率兵攻虎虎砦臨油溪楊洪崖崖懸數十仞萬才兵冒險上虎下木石擊之死者百餘人萬才怒設長圍以困之玉英遣人謂甲曰虎砦險而糧少結陣以待之庶可以兩救甲從之率其眾扼雞公嶺玉英陣於叢林中斬竹爲礮設地雷於營門數使人挑戰萬才移營攻玉英以其眾數萬陣於林外野地玉英從林隙施鎗萬才兵死甚眾萬才鎗輒爲林木所蔽玉英眾無一傷者萬才率其眾薄營地雷發死者千餘人萬才乃營而不攻虎夜遣人劫其營玉英夾攻之萬才眾數夜不得寐糧道又爲甲所扼野無可掠萬才眾饑甚拔營

宵遁自是萬才戒其眾不復犯黃沙今人名其結營處爲大戰場
武岡席志有團卒黎明新化人擒賀相如事恐卽是玉英也 又曰忠孝堂也

陳君賜性豪邁有至性家固饒明末父廷望知天下將亂授以千金使得自衛以外甥何起蛟孤釋亦畀以三百金付君賜密藏待其成立歸之已而羣盜四起中原鼎沸楚以南郡縣相繼陷國朝定鼎餘孽未靖袁宗第王進才之徒所至邨落爲墟戊子冬君賜爲進才亂兵所得擄掠慘酷君賜出千金乞命進才未饜加以炮烙君賜終不出父所遺甥金求免賊去與二子訣曰予命雖殞不忍背父命而負孤甥也言畢而瞑人皆稱其舍身全義有古俠士風今陳氏之後蕃衍不替君賜積善之報也

羅民望字君甫有才略居縣西南七都文田邨自以先世屢被兵亂發憤團練鄉勇爲保境計縣境自癸未袁友志亂後悍將張先

新化縣志

卷第二十七

人物 任俠

五

壁潰將王進才袁宗第牛萬才之徒相繼殺掠所至屠戮一空至我朝順治四年寶慶初隸版圖以海應捷爲縣令一二子遺始稍稍休息七年三月牛萬才復自溆浦紙坊掠邑境虜掠焚殺蹂躪尤慘民望率眾奔投固山線國安營請兵進勦十月國安搗橫楊山克其巢賊遁去明年賊復至續順公沈永忠遣總兵張國柱禦之民望請躬爲鄉導直搗其巢盡降賊眾萬才率其下五千四百餘人投誠民望與有力也

曾學進字從先順治初爲王進才所執奇其狀貌釋之由是知名爲羣盜所憚學進固豪俠至是益自負所居當新溆衝流民往還每遭寇掠必聚數十人始敢行而已以一騎送過橫楊筍芽兩山兵後遺馘滿眼躬爲掩霾復爲粥以食餓者卒年九十

蕭景榮性豪邁康熙十三年運茶一舟鬻於武昌值王師勦

吳逆有某都統者率兵從荊州下時炎暑軍士苦渴景榮曰吳逆不道幸大兵至我等當復蘇矣以此茶奉軍前亦簞食壺漿以迎王師之意也遂獻之都統大喜將畱軍中用爲鄉導適其叔父至念兩世單丁苦促之歸遂辭都統厚賜之

道光府志云此事與新道人所傳彭顯祖事相類

豈傳聞異詞耶茲從蕭氏譜採入以備遺事之徵云爾

陳孟茂字繡章縣學生節愍公君寵孫生八月母楊氏卒鞠於繼母蕭氏及長以孝稱家饒於貲性豪俠喜周濟吳逆之亂有黃州人攜家避難至縣貲盡不能歸詣門乞濟孟茂厚資之以去越數年以事過麻城遇風舟將覆蘆葦中突出救者問之則前避難諸人也感泣羅拜款宿而別子四皆好讀書孟茂爲建紫溪曲水園四桂園兩書舍課之紫溪其高祖南溪翁遇仙處也兩舉鄉飲年九十六終子仲炯獻奇孫鸞翥兄弟皆歲貢生

新化縣志

卷第二十七

人物 任俠

六

鄒懋極字康侯性豪俠而躬行孝弟父母喪皆廬墓三年待宗族有恩禮推親及疏由族及鄰凡分財讓產振貧完婚諸善事汲汲行之惟恐不力懋極有才幹素以信義爲一鄉所咸服 國朝康熙初年嘗應令採辦大工木料鄉人醵金助役而以其事專屬懋極事辦運木至漢口會大工停止懋極貨其木歸以其值按戶分還鄉人義之相戒不受曰大差累子多矣何以償爲懋極曰暴得多金不祥其可專享乎乃出所獲平治道路自羅洪至奉家山漵浦界計二百餘里閱三年而後竣石工鐫其姓名於巖上曰鄒康侯修士人呼曰康侯路名其地曰鑿字巖懋極卒年八十有三相傳爲承熙寺土地神子養蒙見孝友今其後裔蕃衍昌熾爲邑中著族所稱羅洪鄒氏者也

康熙二十一年以殿大工採木見池北偶談

羅學棟字元卿居七都文田邨祖時夏知其地水深土厚宜物產

又去市井遠無澆漓習乃挈眷家於此父應甲益恢其緒義聲大著於一境學棟以儒官爲鄉飲賓喜施濟明末兵燹之後饑饉洊臻民多不能自存學棟竭力振卹按口給資俾課生計一時聞風就食者踵相接也學棟性端慤力守儒法每食與其妻楊氏對坐相敬如賓兩烏當踏處不少偏移終其身刑有履痕子文民有才幹措置所勑產業及諸義舉皆井井有法乾隆庚子進士楚望其元孫也有先型記述先世事甚詳見輿地志次子純民縣學生迄今學棟子孫簪纓相繼僉謂積善之報云

鄒世沂國子生居縣南洋溪鄒氏有二族世沂路南同知學之裔也高祖嵎王永明教諭教諭之于有熹開建知縣其伯曾祖也世沂性豪俠能以忠孝誠信化其鄉里嘗爲人解紛燿難雖鄙悍皆服有紛爭於市者聞其來皆引避人以比之王彥方世沂有至性

新化縣志

卷第二十七

人物 任俠

七

篤宗盟先是其族人祭產不給世沂倡捐復親董其事久之漸裕以其供祭之餘助族之貧不克葬與不能讀書者又倡修家譜追修衡永兩郡遠祖墓貲不繼則賣私產足成之其餘橋梁道路有利於人者爲無不力與修學宮其力尤多嘉慶初署知縣陶元直循吏也嘗巡行至洋溪聞世沂名就而見之且爲文以贈教諭長沙常鶴有壽世沂文甚詳備其妻羅氏亦賢婦人也世沂所爲皆力襄之夫婦年均八十有六歲卒孫曾八十餘人隸於學舉於鄉者數十人

曾正萬字能奉豪俠有識力乾隆末商於湖北竹谿縣時白蓮教匪將起正萬私語所親曰此閒亂萌矣不去將罹害乃趨謀歸計有鄉人某兄弟與匪習挂名入籍正萬密肘之曰此滅門禍也不亟悔耶因勸其潛逃某不悟正萬乃爲之具歸橐以促之其兄強

從遄歸遂免於難正萬歸時其兩兄已析居爲食指所累正萬復請合爨二十餘年時人稱之子秀道光戊子舉人躬行孝友有父風

鄒特三以字行父篤遠饒於貲以析產中落特三豪俠有幹略能自樹立嘗爲木商來往大江南北所至信義服人其主宐興吳右紳家最久右紳誠篤人也能以然諾忠信致遠客於諸客中最重特三右紳死諸客稍稍散去獨特三不忍背負復主其家護視其幼子緯而成就之時人皆多其義以爲市道中無此人也乾隆甲子湖南鄉試有以編修充正考官名紋者爲右紳胞姪而緯之從兄也揭曉後拳拳於特三不置且爲文寄壽其父云附錄吳紱文畧云乾隆甲子歲屆賓興分遣儒臣隸省校士余以承乏得典試湖南竣事旋京而次子九徵自家來都逆余三禮館官舍省至問安外郎爲余言日大人茲役也先兆者耶既又日特三尊人篤遠翁壽踰八十果將應耶抑卽機之先兆者耶既又日特三尊人篤遠翁壽踰八十果將

新化縣志

卷第二十七

人物 任俠

八

歸祝其親而人曷出一言以祝之日禮書亦稍概而得其致壽之由頗心領之而未暇應也今茲夏之日禮書亦稍概而得其致壽之由言且夫觀遠臣以廉允爲主豫章之信諸所聞者不爽也昔者余叔父右紳素以忠信廉允爲主豫章之信諸所聞者不爽也昔者余叔以之商而主於右紳者亦皆以公正誠實相去且護視三始客吾里成就之則特三豈市道中可哉吾叔父而重特三於翁矣然所以教特三之特三所稟者俱可識也而余亦遂不能已於言矣然所以新何得以爲翁視哉新化雖屬楚南僻處而文風大盛余檢所錄於所得而以翁之積善種德矣

周世桂字秀丹監生性孝友好施與凡有益於鄉里善事皆勇爲之其里中金鎖橋沙江橋廟字茶亭道路皆捐重金以成其美他若散粟以周貧焚券以寬貸平收滿糶排難解紛善舉難更僕數子德煥德燦均列膠庠以孫作翰守禦所銜 贈武德騎尉孫曾尤多繁熾

羅允芳字梧岡例貢生早孤事母曲盡色養撫兄子如己出肫肫

孝友人也性豪俠處事有幹略族黨中有構怨者必曲爲排解不得則私以金錢昭之陽爲怨家屈服者其實彼此皆不知也顏某先世鬻身於趙趙貧不能蓄顏辭出於他所苦積度日旣稍裕趙偵知之需索不已飽則去饑則來一日帶券復至適允芳遇於客邸顏泣以實告允芳索趙券驗果遽火之趙欲與角已失據乃好言爲給路費與之允芳早歲嘗隻身走甘肅已客京都值修寶慶會館允芳身董其役拮据年餘堂廡寢榻器用畢具迄今赴禮部試者如歸焉潮水村舊有碧潭橋累修輒壞允芳捐貲百三十金易木以石行人利之子福琦亦以好義名

羅福琦字象璜國子監生幼見其父允芳忼慨好施與輒願效法之乾隆戊戌己亥連歲荒歉斗粟四百餘錢窮民無所得食福琦前後出穀六百餘石計口發給嘉慶丁卯目五月至七月不雨穀

新化縣志

卷第二十七

人物 任俠

九

值大昂鄉里嗷嗷待哺福琦復出穀減價平糶族里多所全活嘗客益陽旅邸見老嫗哭甚哀詢之則其子以非罪繫獄爲出四十金極力斡旋卒出其子并與十金爲營生資先是福琦與趙某約同舟渡江以此羈畱趙不能待至中流則風作舟覆福琦得免於難道光丙申福琦年七十有八矣一日檢偕券不能償者悉焚之顧謂兒孫曰愚者亡身以聚財子孫或不能守今吾貽汝以安不欲令多藏也越日遂卒若預知死期者然子六人亨獄縣學生孫二十二人澤浚瀛相繼隸縣學籍城郡廩生

馬福維字維綸父祖文見孝友福維性侃直言笑不苟里中游惰子憚之不敢近有田與豪族宅鄰先是田近宅被牲蓄踐踏後宅主人戒其僮僕曰今田已歸馬氏毋許再踐馬不言我心不安也其爲人所推服如此生平嗜學最篤以不隸於學爲恨發憤延名

師教子弟家因以落有詆以讀書貧者不恤也弟賓王子瀛甲相繼隸縣學瀛尤能文有聲

羅啟紋字玉璫監生父汲見善行啟紋生而慕善好義能以忠信服人所居在羅洪邨去縣城最遠里有爭競事輒就啟紋平之爲理其曲直無怨言無遽色而人自服雖强悍難馴之輩帖如也家僅中人產性喜施與族黨中以貧告者雖日踵門而求無不應晚歲欲謀萬金產爲義莊以願奢難遂而止嘗於羅洪上邨建茶亭以濟行人其戚邵陽魏顯達名之曰德心取充廣德心之意也其父修其地通衢數十里啟紋踵修不懈生平捐輸各款計在千金以外亦勉於爲善者也

劉祚倫字金元國子生少孤貧稍長用計然術往來江漢間能以信義然諾服人轉運百物率致富饒性誠樸布衣徒步刻苦過貧

新化縣志

卷第二十七

人物 任俠

十

時晚歲嘗思出私財爲邑中公事未得其便適南城火燬水晶閣知縣胡廷槐議修復苦於無貲祚倫躍然曰此可以償吾願矣命其孫卓詣縣自陳願獨力承修廷槐義而許之樓成復以縣域頽塌願併力踵修凡費白金一萬六千有奇工竣祚倫年九十廷槐率僚佐及縣人詣其宅爲壽祚倫喜曰今而後吾句瞑目矣踰年卒遺命勿請議敘而縣中卒以其名上得議敘如例孫三人卓縣學生議敘鹽提舉銜寬潤寬渭國子生均議敘八品祚倫以孫卓貲 贈奉直大夫縣人鄧顯鶴有記見建置志

聶大彬字維賢軀幹豐偉膂力過人嘉慶改元客四川時湖南方用兵一日花園苗犯秀山燒龍王砦砦下半里許有市曰龍潭居民五六百家聞賊至皆逃獨大彬與其兄大析大棣及市民老幼數十人在大彬曰聞孫總督師去此不遠詰朝可至吾儕多張燈

火鳴鑼巡夜如官軍紮營狀賊必不敢出從之聲振陵谷賊驚以爲官軍無敢下明日總督孫世毅果至望見砦成灰燼而市獨全怪問之大彬以告世毅壯之命爲鄉勇首領越二日苗大舉薄營大彬以鄉勇先與苗遇斬其前隊一人官軍乘之大勝有苗酋遁入竹園作食大彬謂其徒曰吾當斃此賊遂入奪其刃斬首以獻以功給六品冠帶令隨營征勦大彬以母老固辭官軍旣去餘燄猶未熄大彬復擒其酋以左右手各捉一人曳行數十步沈於龍潭秀山苗遂平十八年秀山大旱道殣相望大彬設法周濟全活者百餘家子永煊武舉官千總孫吉琛廩生

曾俊字首選別號南園縣學生員負豪氣慕朱家郭解之爲人已從同縣曾承稷游折節讀書而以其弟功光任家政已率季弟功傑銳力於學俊身長六尺體幹魁偉多膂力幼喜從里中兒習超

新化縣志

卷第二十七

人物 任俠

十一

距之戲後得拳法於異僧某以試人無能敵者然深自韜晦不以名也一夕盜踰垣入俊披衣起笑語之曰吾牆高矣而汝必欲跳而越其能免乎顛而扶之捽其髮擲牆外其徒負以去自是盜相戒勿犯櫛木橋櫛木橋俊所居地名也嘗以事如安化過運溪渡土人最强悍船已將開矣俊後至眾相顧袖手問何故不開則云有後至者俊曰吾不能作篙工柰何眾怒逼使開頭俊操舟競渡將至岸水淺舟擱又責令下水牽挽俊曰吾憊矣請諸君先下眾大噪俊徐曰觀汝等形狀無足當老拳者兩手持篙一躍而上復迴身以篙向舟際盤旋左右眾紛紛下水已從容釋篙納履徐步而去後其地每舉以爲戒悍風因之稍減俊居鄉循循長者爲人燿難釋糾不動聲色遇暴桀子弟每以好言撫慰或有以前事相詰問者則曰我無是也好讀書課子嚴手不釋卷年六十一夕以

無病卒子成松嘉慶丁卯舉人通道教諭餘多隸庠序孫紀教邑庠生

羅鈐字度西父興諤見孝友鈐性豪邁家世寒素而好施予遇族戚有緩急必曲爲應之家由此益落日事大窘不介意也族有老儒貧乏不能自存鈐每歲必先出斗石爲諸富人倡而老儒遂免寒饑之苦外家吳氏乏嗣祖墳半致湮沒鈐獨出己資爲封識吳氏羣稱我之自出甚多如此義舉實所創見也鈐讀書兼曉形家言以羅氏人多不壽由其祖塋潮水直射墓門不惜勞費曲之使三折紆徐而來自是合族少天絕之患其有功於族人甚大有從兄拱官蜀以清廉著卒於任鈐見其子福圻必勉之曰廉吏之子當必有後於羅氏也福圻以道光乙酉貢鈐子廷豔嘉慶己卯恩貢以教論候選拱字穆宸乾隆壬午舉人四川新津知縣有政

新化縣志

卷第二十七

人物 任俠

十二

聲其父興訓乾隆甲申歲貢亦有時名

游承緒字振聲國子監生性剛直里黨有爭訟據理剖晰不避嫌怨雖強禦罔弗畏或出己貲爲人寢息不吝也乾隆中董修宗祠於南城外閱七寒暑弗辭勞弟錦字振詒負質最强尙氣節幼隸武學嘗赴鄉闈諸文士或少之遂憤然歸列長几於堂延從子昌豫教其諸子及從子輩左右連牀外隔一幔朝夕坐臥幔側雞鳴卽起督課無刻晷懈堂距市僅十餘武諸子未嘗窺市門販豎往來聞誦聲琅琅咸聳聽魚鹽喧雜中穆然有鄒魯風焉不數年次子昌儀三子昌祚從子昌灼相繼爲諸生領鄉薦飛黃騰踏積鬱以舒以昌祚官臨湘訓導地 贈修職郎城中咸舉爲教子者勸李向榮字亮軒國子生豪爽好客冠蓋填門每酒酣耳熱縱談今占事旁若無人邑人孫起棟傲岸不羈少與俗諧獨善向榮嘗館

其家向榮有藻鑑識曾毓芳於髫齡資曾惟亮李木立微時膏火率皆發名成業壯年喪偶不再娶曰吾讀劉景升傳未嘗不廢書三歎也子克開字時熙邑庠生恂謹不苟言笑事父曲得歡心李敘元號郁吾以助修城垣議敘從九先世有隱德敘元幼失恃孝事繼母委曲承順性豪俠有幹力習計然業轉致百物豐於貲爨訟糾紛拯卹急難揮金不稍靳好譚孫吳及古忠孝節義事絮絮叨叨竟日忘倦其次子有恆每聞而耳熱然家法素嚴不敢言洎粵西金田賊竄湖南有恆由義舅軍疊著膚績蓋敘元教也子承明藍翎選用同知有恆花翎 簡放提督奇車博巴圖魯嶽恆花翎知府選用同知敘元以有恆貴 贈建威將軍

康文瓊號崙山國子生仗義輕財苟利於人輒不惜指困傾筐身先倡率曾散穀米救荒歉捐田給茗建亭牛陂坳顏曰繼志行旅

新化縣志

卷第二十七

人物 任俠

十三

忤如而邑西之石路巖頭山之義渡龍灘之茶亭皆其所捐修也同治初年粵逆蹂躪久矣益以土寇肆掠人心皇皇郡縣檄總辦團務矢慎矢公鄉里倚重邨中有遭含沙影射負屈公庭者挺身力掙不畏強禦不避嫌怨生死而肉骨者多人悉無所私愛書如饑渴搆家塾延師悃悃款款禮幣優至歲糜厚貲灑如也其子立韶立基均游庠鴻翥餼於學人僉以食報稱之立勳州同銜立廷監生文瓊以立勳職 封儒林郎

姜先貞字事幹一字固亭例貢生倜儻喜任事少讀鹽鐵論喜之長貿江漢遂以起家先是漢鎮富賈壟斷鐵利邑人運售多峭格每構訟先貞仗義理折定善後規約客商利賴資江各灘時有暴桀梗害商艇先貞百計調攝翦除惡習洛灘陡險飲繕石墩矗立中流使往來舳艫識所避嘗客天門縣南河有弱女貧無依其兄

將視爲奇貨鬻諸青樓女子堅不失節先貞解金贖歸別爲擇配他如捐田釀貲建邑東寒婆嶺茶亭同鄉公車北上者款治餽贐悉所樂爲也子滋南早失恃事繼母待諸弟以孝友稱病篤時戒其子孫毋侈靡毋刻薄毋逞小忿乖骨肉其言亦可謂賢矣曾忠馥號芳林監生有至性終兩親喪不見齒爲人忼直闊拓道光戊巳閒村中疫大作洵以饑饉忠馥收養孤獨二十餘人悉賴飲食醫藥痊可有臥病經年死者給葬具並爲修福而其時之踵門告給者紛如支絀甚乃償產與羅姓得錢爲粥全活不尠適羅姓以契券投縣印稅遺於路爲餓者拾持向忠馥索質許還忠馥叱之曰吾不爲此無良也已而羅姓詭求忠馥復券馥卽命其子書之有鄰子入倉行竊家人固偵獲矣馥憫其貧與之酒食錢二緡由是感媿爲良民馥家中產以好義故中落不之恤蓋其性然

新化縣志

卷第二十七

人物 任俠

十四

也子兆箕同治丁卯府試知府杜瑞聯奇其文錄送第一入學補弟子員招入署肄業索覽忠馥行狀稱其孝義序而贊之

曾唐柄字宅揆例貢生父恭作見孝友唐柄倜儻尙義族某貧甫生一子不能庇其家給田數畝資其食力村某負積債將鬻妻償唐柄佃以田寬其租數年道光乙巳閒歲歉出粟平糶復外運以繼其全人夫婦存活饑軀僉稱豪舉而主修急水灘石橋及平路施榷亦糜費不貲云子煥堃郡庠生

鄒孔經字理堂候選州同父翼見善行孔經有幹略內行肫摯析箸時從兄巡于以孔經代父摭拄家政克恢先緒議別以田二百畝酬其勞謝弗受邑人歐陽潤其受業師也解館後猶惓惓弗忍忘有佃負租將鬻妻寬其租以全之老僕聶某貧甚割田以給死則爲營其葬具里中遇歲歉平糶救荒人多德之咸豐壬子粵逆

竄省垣州縣騷動寶慶知府魁聯廉其才舉總團務孔經捐已貲千緡並捐穀二百石爲鄉團計久遠區畫有方奸民斂戢湘陰郭嵩燾籌餉至縣孔經亦首捐緡錢千貫爲之倡不請議敘嵩燾往武攸招與偕孔經躬詣鄉村婉爲開導捐貲累萬人皆樂從嗣是蝗務釐稅均與有力九年石逆犯寶郡襄辦防堵至爲周密是年大吏復委辦捐輸事方就緒卒於縣城捐局屬續時自言有騶從甚眾迎爲湘潭城隍云子世淮候選經歷嘉澍縣學生保敘州同光漢湖北試用典史世沅都司銜

才傑

劉承孟

陳希尹

彭顯祖

榮祖

晏嗣漢

晏貽祚

唐馬樹瀛

劉承孟字春翁爲長蘆都轉顯之族其出身不知所自或曰幼讀書爲縣學生 國朝定鼎之初天下多故乃投筆入漢陽營爲字

新化縣志

卷第二十七

人物

才傑

十五

識嘗隨帥巡徼驟遇賊同行三人斬敵首七級其二人死於賊惟承孟獨上功由此知名吳逆之變承孟身從 王師奮勇首驅親冒矢石所至克捷滇平積功授雲南永順鎮副府左都督終陝西涼州大靖營總兵承孟體貌魁碩性權奇有膽略遭時多故慨然有班定遠李衛公之志其鎮永順最久經滇逆蹂躪新附之後拊循綏輯兵安於伍民安於野一時將佐左營宋朝秀右營姚龍皆百戰之餘和衷共濟爲時所稱永甯王祚興時爲順甯府雲州牧嘗以送試至鎮與承孟訂交承孟初度日祚興爲文以壽稱其老成持重有方叔召虎之風度而終之以忠孝謙讓仁惠六字爲承孟紀實祚興固舉博學鴻詞以康熙丁未進士官雲南爲一時名碩所言當不誣也承孟終官涼州遂家於涼晚歲乃命其子持四代誥軸歸供於家廟而別出二百金置田以奉祀事誥軸今猶存

別見封廕有陳希尹者累官陝西甘綏後營游擊無事蹟可考
彭顯祖字子俊一字繼作其先世由湘潭徙居縣之珂溪遂爲縣
人顯祖生有異稟偉軀豐頤弱不好弄時天下大定顯祖偵知滇
逆有異志策士宿將雲聚其門慨然曰是何時猶坐守村塾終老
乎遂棄儒率其弟榮祖遠賈於滇黔周知其山川險阻熟其土司
中之有知略者而與沙起龍龍天祐等結識滇逆旣變顯祖投効
貝子彰泰營連著膚績吳逆陰使人招之拒弗應康熙十九年貝
子與綏遠將軍蔡毓榮軍合賊鋒屢挫逆子吳世璠棄貴陽走雲
南提督桑額追敗之世璠勢蹙使其將李本深線緘巴養元焚鐵
索橋以遏大軍弗得進顯祖銜命閒道招土司沙起龍龍天祐促
造浮橋潛師爲內應尋敗李本深軍於江西坡線巴軍於雞公嶺
二十一年亂平以功授沅江府知府署貴州清軍糧儲道榮祖從

新化縣志

卷第二十七

人物 才傑

十六

兄佐戎政羽書旁午籌畫有方軍中遂有大小彭之稱貝子及綏
遠將軍爲聯語以旌其廬顯祖能詩著有紫雲山館藁佚有春日
游三塢詩松桂陰陰入翠微上方臺殿對朝暉檻前海色連雲碧
天外朱霞伴鶴飛小院深宮懸雪嶂深林老樹挂苔衣攜壺踏遍
花開處明月闌人上竹扉見大理志名曰繼作蓋顯祖居官以字
行也或曰顯祖嘗販茶於漢口值大軍征吳逆需茶甚急顯祖盡
其所有獻之不受值以是爲安親王所知或曰非也今其家存有
貝子所贈聯語云

晏嗣漢字凌雲號天章幼隨父景瑞徙貴州富膂力有膽識隸撫
標爲健卒時苗猺不靖長砦苗尤獯悍難馴爲羣苗所觀望雍正
四年主者知其才命以把總隨勦賊踞高山四面皆設險號數十
萬勢張甚官軍亦據山對壘置礮以當其隘夜半嗣漢起巡營見

賊營舉火如螢纍纍自山下知將劫營不及稟白暗伏大礮側俟賊至發礮殲賊無算舉營驚起得斃賊狀賊遂堅壁不敢出官軍亦憚於仰攻嗣漢約敢死士二十餘人請於當事者各懷繩鉤火藥短刀夜分由山背攀蘿懸縋而上遇賊邏者殲焉嗣漢持析遍巡賊營分布火藥伺賊熟睡舉火賊自夢中起以爲神兵自天降也遂大亂冒火衝突官軍自前邀擊二十餘人者自內出殺賊無算嗣漢手擒首逆阿金阿順敘功補黔西協右營千總次年出師烏蒙嗣漢以百人直搗賊巢擒首領立之戶吞等二十九人事平調赴陝甘先後總領修葺西甯邊牆所至著有勞績累保遷總兵純廟朝一 賜綵緞再 賜蟒袍誥授武顯將軍祖父皆贈如官其卒也奉 旨沿途馳驛葬 賜勘合洵異數也弟嗣河見忠義

新化縣志

卷第二十七

人物 才傑

十七

晏貽祚字伯楣邑廩生咸豐九年以家難襍被從軍入廣西按察使劉長佑營同勦賊柳州敘訓導十年長佑以巡撫勦賊龍勝貽祚爲籌畫軍機決策制勝屢著勞績長佑振凱還署貽祚司筆札署中凡書札涉機宐者多出其手以十一年八月卒於署長佑歸其喪加賻焉時同邑與貽祚襄辦軍務者馬瀛唐樹桐瀛字璞堂邑增生從事劉長佑營敘訓導長佑從龍勝班師瀛遂歸咸豐十一年復至廣西需次旅舍鬱鬱不自得久之卒於桂林樹桐字叔珪邑廩生從劉長佑討賊柳州籌畫軍情有勞敘訓導尋以病歸卒於家褒忠錄楚軍幕友三人傳

遺民

張文解

張聖型

聖垣 聖燈

張聖域

鄧林材

文材 艾有南 奉嘗

安其文

其恭 何東俊

楊應尊

晏際盛

郭自成 李遇唐

李作梅

柯日新

楊素

周南

游良

顯忠

張文解字元士一字元白性孤介好學工詩刻苦自厲屢試舉人不讐南都立舉丙戌鄉試後閉門不出襟期浩蕩貧居蕭瑟爨煙不繼泊如也有送于雲賓先生擢民部北上詩云兵燹連年復歲稔撫循真見古人心滄桑浩劫千家免梅崗寒香一座深學易晚衙聞斷簡投詩下里見披襟山中無地臣孤也誰識依遼直到今雲賓名肖龍循吏也以康熙庚午去任文解入國朝時已二十有五年矣丙戌之役寶慶獲舉者十一人文解其一也

張聖型字九疇父炯見儒宿聖型少負不羈博洽能詩崇禎改元恩貢仕至連山縣令庚辛後歸隱三江口閉門課子二十餘年不履城市著有江梅長嘯集百粵吟燕臺錄楊柳追詠弟聖垣聖域聖陞聖澄兄弟皆起家文學惟聖澄中崇禎三年武舉聖陞見隱

新化縣志

卷第二十七

人物 遺民

十八

逸

張聖域字定遠聖型弟也崇禎八年選貢性孝友不事家人生產喜爲詩善畫累官衡州教授衡陽萬安知縣歸後與其兄聖型結茅巖塘偕隱教授生徒以自給足跡不履城市入國朝經略洪承疇遣材官車鼎瑛徵之不起有自書家譜後略云域自宏光改元乙酉迄今順治庚子崎嶇戎馬閒不及一歸梓里瞻望松楸疚心切骨者一十六載於茲矣猶憶崇禎以後天步艱難南北割據疆場彼此麻沸無常始因幕府需才徵書四出竊附儒流繼乃憲檄嚴催謬許馳驅洵膺民社至作令衡陽調繁沅陵雖復天荆地棘百孔千瘡然其時湖北猶爲一片乾淨土至丁亥而酉陽不守矣倉卒歸休與世不相聞者六載壬辰李鎮出辰沅規西粵直駐衡湘徵取遺逸縣中以某名聞遂復重罹世網待罪萬安視事未

久時局復變從此遂成畏途入山淮恐不深矣遯居九年漸不爲世所識乃出與祭埽一上墳墓得與諸宗老重晤恍然爲隔代人也可勝悼哉其言如此可作小傳觀也聖域著作甚富有解言居集風塵浪語物情鳴客里吟求志居集出處合編歸裁編碧山草兄弟互相酬倡以文章節義著聞一時論者以爲高士集於一門云

鄧林材字卉生明季諸生精天文步算善占驗與從弟文材友善時稱二材林材喜言休咎輒奇中文材每戒之自晦癸未之變兄弟露坐庭中林材仰視絕叫曰長沙城陷矣將柰何已而果然乃相約逃遁鼎革後隱於農吳逆踞衡州材材爲僞將軍某所跡脅以官以計免歸終於家有詩一首云未能逃此世無地掩柴扉官路多豺虎空山少蕨薇一經真鹵莽萬事總乖違已分甘肥遯何

新化縣志

卷第二十七

人物 遺民

十九

方可樂饑詩見沅湘耆舊集文材字聖楚入國朝年六十始生子卒時近百歲及見曾孫見其元孫顯鶴所爲家傳時同縣有艾友南奉嘗者亦諸生也友南字不傳居縣東小溪山水最深僻處通百家言夜觀星象知世將亂不復應試有日記一冊紀日月薄蝕風霾星變歲祲兵疫流賊士寇出沒蹤跡甚悉薙髮令下逃入萬山中家人跡得之勸歸不從乃結茅棚蓋覆之而自種薯蕷拾橡栗野蔬爲食終身不出奉嘗字鼎臣居下渡村奉家隴有時名張獻忠使其別校脅以官逃去不知所往賊去復歸入國朝後

以布衣終於家

附錄文材家傳君諱文材字聖楚先世本姓江府君之祖平山幼撫於鄧遂姓鄧氏父諱濟府君

生明天啟時崇禎中與其從兄林材隸縣學有聲時稱二材林材字卉生精天文步算善占驗府君知世將亂每戒之曰時勢亟矣生不自晦必及禍張獻忠之陷長沙也府君兄弟夜露坐庭中卉夜半叩卉生府君曰長沙城陷矣將柰何府君急肘之曰無多言

驗者子其免乎與污僞命不如死也子身遠遁入官朝後隱於

農府君年六十尙未得子祖遺產業亂後盡爲族人所占僅畱田數畝自給及生子不復與較年九十猶躬耕於野卒時近百歲及見曾孫君生子後遇滇變爲吳逆僞將某所脅以奇計自脫僅免於難府君生子一名元臣即巖隱府君是爲顯鶴曾祖以孫貴也贈文林郎女一人適李今其後亦繁衍云元孫顯鶴謹撰

安其文少聰穎能文髫年中副榜益勵學不倦舉天啟丁卯湖廣鄉試與弟其恭齊名時稱二安其恭崇禎己卯舉人樸質謹厚言動不苟所居石板村有虎食人其恭爲文禱於社公廟次晨虎斃於道入國朝兄弟偕隱不仕國人重之時同縣何東俊舉崇禎癸酉以庚辰明通進士用推官國變後亦高尚不仕道光府志云事在所養惟民爲大惟天惠民惟神奉天昔先王之撫安萬方以地之所養惟民爲大惟天惠民惟神奉天昔先王之撫安萬方以相天也毒蟲猛獸氣別類分惟取力驅除此皆神道之善承天爲民除害者也凡今之民兵荒疫癘相尋無已喘息奄奄命豈殆止祈五風十雨放牛歸邀有無踐之慮有一方而盤踞尤旬有獸一日而噬牙數命裂尸之橫野析骨填渠文炳文蘭班班豈尤

新化縣志

卷第二十七

人物 遺民

二十

羊之姿雲從風從桓桓匪魁子魁之怪乃令行者泣路耕者卻犁惟神有靈與民同患憐憐之危或物遍遣具見斯人有主恭山居石板村滴叩口可解虎口之危或物遍遣具見斯人有主恭山居石板村跡遠逃敢以鄰國爲壑勒期遍遣具見斯人有主恭山居石板村

楊應尊字敬吾一字義輿世居縣之北渡邨性厚重呐然若不能言而遇事剽果莫之能撓明季流賊王永成譜作嘉肆亂攻陷郡

縣應尊糾眾團練禦之賊不敢入其境今其地名攬兵紀實也應尊既以禦賊聞於時何督師騰蛟方屯湖南開十三鎮延攬英傑資邵閭士豪崙首多舉族以應騰蛟以其鄉人爲幕下卒者言招應尊辭不赴丁亥大兵下湖南桂藩遷武岡有降帥高必正者托他事誘與俱往應尊知其詐一夕遯歸黑夜馳數十里得免其識慮警敏如此晚益韜晦不與人事惟課奴子耕穫自給孫可震字又西讀書有夙慧應尊愛之異常兒知新甯傳相高有學識延至

家教之震遂爲通儒震子河河子興植相繼舉於鄉三世皆以文學顯見相高墓志及興植所作家傳

晏際盛字湘芷一字湘君崇禎時廩膳生性孤子與俗寡諧入國朝棄巾服以布衣終好作詩景陵周澤長荆門黃士珩先後爲邑教官俱與唱和甚相得時同縣郭自成亦以博洽稱與邵邑車萬含唐懋載劉應祈車鼎黃同受知督學高世泰拔入三楚文獻館中崇禎壬午副榜有介行入國朝亦不仕又有李遇唐者崇禎末恩貢嘗敘述鼎革時事及楚黔內附本末甚悉皆遺民也

唐遇

府志選舉表作宗唐林志作思唐

李作梅字子和其先有仲良者明宣德中以貢官刑部主事自仲良之祖故之而下至作梅十一世皆隸於學爲府縣學生父藻縣學生有還遺金事見善行作梅慷慨有膽略能知人家故饒於財

新化縣志

卷第二十七

人物 遺民

二十一

當鼎革之際散金結客所交多奇人魁士順治七年寶慶初內附續順公沈永忠奉朝命鎮守九年李定國從貴州至郡復陷永忠將退保湘潭潰兵四散其部蔣李戴擁之東下至縣之赤石遇風舟壞亂民乘之擠永忠墜木事聞朝命將盡誅左右居民先是作梅遇一髯於武昌知其非常人厚相結納而別至是朝命以永忠故遣官問墜水狀卽作梅所結識之髯也得免誅求明季之亂有鍾氏強暴兩人獲一美女子爭持不下將殺之作梅以金贖歸訪還其家牛萬才劫掠甚慘章京線國安將兵破之萬才遁國安駐縣久聞作梅有豪俠名遣使致禮作梅往謝從容言將軍麾下頗多擄掠婦女國安躍然喜曰非子和不聞此語卽痛懲其下諭鄉民各認歸所掠一夕移營北去陰與作梅約有連者東稻草然之舉煙爲號所過村墟無不煙者乃歎曰嘻何李子和親串

之多也其保全鄉里類如此作梅家居嚴肅造次必依禮法事繼母至孝曲盡色笑出必揖其婦以母諄屬如在家時歸則長揖謝之俗傳其夫婦相見如賓故有李子和深有禮之謠也一夕母病騎而往城求醫中途假寐遇虎馬驚踏作梅揖而告曰吾母病須藥而爾當途必欲乘人之急耶虎遂巡去其事豔稱於時邑之婦人女子皆能言之見縣人鄧顯鶴所作遺事述所云於國爲遺民於家爲孝子於里爲功臣蓋遺民中之最有功鄉里者子殿樞孫文纘曾孫光嶙元孫宗泮來孫洽浚仍孫長蕃郁華六世相繼舉甲乙科文纘見儒宿

柯日新字銘吾與同縣張炯友善炯以理學名於時其子聖型聖域入 本朝兄弟偕隱嚴塘足跡不履城市日新以父執訪之高冠大袖言論娓娓時年已九十矣聖型感之爲詩以謝云翁與吾

新化縣志

卷第二十七

人物 遺民

二十二

翁同甲子翁來一問感余心六朝耆老衣冠偉九十春秋閱歷深養氣達生窺性命藥言苦口勝著葳天工幸冑存庸士願受先生導引箴日新食餼最早萬曆庚申歲貢官道州訓道遷廣西平南教諭再遷大平教授八十休致歸年九十八卒以其年計之入本朝亦已久矣子鳳翱鳳翥孫大林大茂曾孫廷慄愈芳世有文名廷慄愈芳以康熙壬子丙寅相繼膺選拔去日新之卒蓋猶未遠李天任弗過居集有中秋戲簡柯伯徽詩伯徽卽愈芳也天任與張聖域兄弟善有寄張五定遠春日懷定遠詩見弗過居集定遠聖域字也聖型聖域均已見前天任入 本朝以歲貢官

辰谿訓導故不得列於是

附錄天任寄張五定遠詩徒然對杯酒低首獨吟賦老至親情重時艱事故多

月涼霜意動夜靜雁聲過正值北風起日放春自故人來書信定遠詩雨黑山常閉門虛晝未開花驚此日放春自故人來書信兵前阻平安夢裏猜請看

谿上路愈自長春苜

楊素字大素前明諸生也學使駐衡州調考以大收隸縣學籍是爲崇禎丁丑見楊氏譜素恬淡嗜學亦好吟性耿介寡應酬而敦篤內行母歿哀毀廬墓入本朝棄巾服築精舍環植梧柳松竹名目竹墅朝夕寢處其中大署其門曰學慙爲脈望性恥作陽鱗每晨起危坐閣中焚香擊磬儼若羲皇上人非其人不能到也性好飲每飲微醺高臥小窗不復與聞世事邑學博江陵黃晉問士珩名士也嘗與唱酬贈以詩有酒興酣能默詩情簡更遙之句其梗概如此有詩一首見沅湘耆舊集舊志列入隱逸蓋不欲失其志也子允迪孫如炯見儒宿如正見孝友

周南字渭公博雅工詩有高節人皆以渭公呼之吳逆踞衡之年僞提學某按試寶慶於雙清亭見一聯云梅放橋頭看踏雪老人由此過去石橫溪畔教納履孺子從後追來書法橫逸墨瀋猶未

新化縣志

卷第二十七

人物 遺民

二十三

乾也大嗟異使人蹤之不見以爲仙渭公生長邑之高平負氣曰豪志意蘊憤遭世亂慨然有澄清之志時以伏處里閭不得交天下豪傑爲憾鼎革後歌泣空山行吟哀怨於一時勞臣節士不憚流連往復見之歌詠以寄其哀亦謝皋羽鄭所南之流亞也有詩一卷久佚今所存僅五首一首詠金學曾其四首分詠車以遵喬汝遷徐守賢翁仲碧四人皆詩史也金公學曾云邵州十載饑無穫萬族嗷嗷靡所託金公絕訟分官振遺黎始有生全樂昭陵豪族曾與李萬石輕捐惠鄰里大吏申詳給冠帶懦者聞風日興起一時守宰俱令德晝夜分布金公澤社倉社學徧荒郊齊名砥礪無讒慝邵州從此濟艱危尸祝共建公生祠至今祠字久荒落翹首先賢勞夢思車子以遵云跋涉昭陵西復東頗存全局貯胷中多情獨有車公子信筆能傳故老風喬公泣遷云曾是天家食邑

臣敢貪餘息負君恩同僚劉乃俱全節願赴滇營碎此身徐公守賢云南渡金陵祚又傾人心天意共亡明左方叛後誰懷舊賸有台溫一總兵翁子仲碧云號召全憑器與名君王持此豈容輕區區聊助中興餉誰敢貪邀半命榮守賢見宿將汝遷指揮之後同僚劉乃俱全節劉謂劉壯猷乃謂乃鎮國俱以指揮殉節死守賢本姓劉冒舅氏姓爲徐左方叛後誰懷舊左謂左夢庚玉良子也方謂方國安二人皆守賢主帥不終於明以見守賢之終始監國一隅志節矯然不可及也

道光府志云渭公一字夢呂昭平知縣之翰子也或以爲廩膳生不知所終

游良諸生也明季流賊肆掠邑境洋溪梅溪橫楊山諸處皆被害良所居上下邨花亭子在仙姑山之麓乃約鄉鄰結砦共守卒賴以安其地峯巒秀特林壑幽邃良結茅齋讀書其中左圖右史歌咏不輟嘗據盤石倚茂蔭脩然作鸞鶴吟時同族有顯忠者萬厯新化縣志

卷第二十七

人物 遺民

二十四

朝官潮州澄海縣鮑浦司權知縣事有明末造盜賊縱橫顯忠知事不可爲解組歸里鼎革後稱逸民游氏譜載其事上以誠御下以惠居官居鄉恂恂抑抑子尙志府學生宿將

劉明岳

譚德澤譚騰霄

譚大憲

鄒鶴齡

劉守賢

劉明岳明季從軍積功至參將戊己之際寶慶方隸版圖旋得旋陷張先璧陳友龍王進才袁宗第之徒往來蹂躪民不能堪明岳以先朝宿將因家爲營駐紮橫楊山招集鄉里子弟用永厯年號自固己丑三月牛萬才兵數萬突至石馬三都殺陂頭桃溪民殆盡復移駐橫楊山給明岳合營明岳信之不爲備時劉氏戚屬避難盡依明岳萬才潛兵夜渡襲殺明岳火其宅擄千餘人去至謝家灣盡殺之由五都江東入漵浦時順治六年四月也明岳死而

萬才益肆七年三月復由澈至新仍駐橫楊山徧掠大陽永甯二鄉十月我朝固山貝勒線國安以兵搗橫楊山克其巢乃遁去至九年續順公沈永忠始盡降其眾時有譚德澤譚大憲譚騰霄者皆以事桂王顯德澤官雲南副總兵大憲官參將騰霄官監軍道副使事蹟均無考其家有永歷三年札其文云永歷三年割付行間獎帥大師恭行天討恢復陵京凡鷹揚之臣贊我中興合給銜割爾部確察有功呈覽用寶毋得濫給以負朕委任豪傑之意右給割由別有兵科給付譚大憲札牒俱永歷三年給不錄

鄒鶴齡字鳴皋甘肅行大僕卿廷望之族裔也崇禎九年武舉福王時武陵楊鶚以兵部右侍郎總督川湖等處軍務駐紮本籍見鶴齡才之擢靖州守備以征飛山蠻功陞游擊鶴齡知書曉大義居靖甚有威惠已棄官歸隱寶慶內附薙髮令下獨逃羅罟之木源山築室山中名中華庵屏妻子子居不與人接為怨家所詰械

新化縣志

卷第二十七

人物 宿將

二十五

送郡城知府傅鸞祥勸令改裝將薦諸朝期以大用鶴齡知不免乃自經於寓舍鸞祥以禮殮之時康熙之三年也附錄化二忠裔湘備序公讀書明大義亦喜說劍談兵由崇禎丙子武舉任靖州守備苗叛公奉檄往征諸苗輸誠敘功擢游擊值時勢不可為遂棄官歸國變後結庵送水源山薙髮令下逃入深山以免康熙三年為怨家所構當事捕送獄中遂自經死詩云少勵節義觸事動髮指從軍策勳名忠肝天日矢揆勢挂冠歸遜舊廬止國破構傾危高厚無可倚神州已陸沈山河非故里韜蹤寄水源寂寂祇林裏披髮下大荒毅然完節死迄今訪毛庵憑弔瞻遺趾古柏號秋風薜蘿泣山鬼再拜為招魂百年猶可起

劉守賢字碩彥幼為舅氏徐鍾秀所育故冒姓徐氏鍾秀以遼東都司隸洪承疇麾下守賢隨營征伐履有斬獲以是為承疇所知守賢貌魁偉膂力過人會鍾秀陣亡承疇見而憫之即以嗣鍾秀屢著戰功已又隨平賊將軍左良玉衝鋒陷陣勇氣百倍良玉亦重之嘗云守賢以梟將之雄所至軍紀嚴明恤士卒甘淡薄雖古名將無以過也良玉死守賢跳而走浙江依方國安授荆國公爵

下戎旗中鎮以援勦功累官甯紹台溫總兵時北京南都相繼陷唐王稱號於閩魯王監國於浙畫江浮海之役依山結砦之師倉皇四應而諸軍無餉競以剽掠爲事時有正軍食正餉義軍食義餉之令國安固以正軍自居者也其人至不足數守賢心非其所爲而無如何也旣而國安欲以監國降守賢遂以其部從監國航海走棲皇於翁洲南澳舟山閒辛卯大兵破舟山乃散遣部曲歸時順治八年也歸後奉母村居衣道士服以終守賢性慈祥久歷戎行日與驕軍悍帥伍不妄殺不競功以簡樸謙謹重一時其散遣部曲而歸也年未強仕屏棄自甘終身行遯晚節致托跡羽流以自晦其意念有深焉者可謂賢矣年六十七卒家傳稱其臨終空中聞鼓樂聲鍾秀不知何許人

隱逸

附方技
方外

流寓

新化縣志

卷第二十七

人物

宿將

二十六

盧 宣

曹先達

李勝麟

龔泰傑

彭大模

晏正式

彭厚輝

藍城吉

劉翼觀

歐陽紹淮

賈詩翁

柯 老

王政敏

楊士佑

譚能儁

盧宣字益昭以先世居吳江自號吳江明洪武時有功爲指揮使藍洞苗叛銜命勦平授五開所銅鼓衛永樂二年解組歸遷居邑城東關旣厭城市譁囂移家資東泰交橋闢精舍於蛇形山朝夕諷經偈其中杜門謝絕卽家人不得輕見棲眞養性數十年歿卽毀舍以葬迄今豐冢隨隆往來瞻眺者猶呼其地爲老官廟云宣事

不見舊志今
從盧氏譜增

曹先達字上廷一字望存早歲隸於學爲縣學生員旋棄去自號木石居山人性坦而迂不治生產所居在九華山麓饒林壑之勝

先達日尋幽僻處徘徊嘯詠偕蕘僮牧豎往返所至枯木頑石輒載以歸雕鏤磨剔無虛日人有愛之者卽舉以贈嘗云天下之物當與天下共之家固小裕以是傾其產不恤也晚歲資訓蒙餬口炊煙時斷好爲小詩嘗客施永閒行溪州萬山中口號云亂流問渡曾無渡絕頂登天更有天莫便乘風天上去還山尙欲枕流眠偶吟云挑來野菜和根煮拾得生柴帶葉燒一飽今朝伸腳睡不知人世有來朝其高曠如此先達之友有李勝麟

李勝麟字瑞書自號霞外叟受業同里鄧勝逵稱爲高足弟子性誠慤而坦白嘗爲村塾童子師點畫句逗音聲字義斷斷如不苟也家貧嘗斷炊嘯歌自若與其友曹先達善見先達偶吟詩喜曰我兩人境界可謂貧而樂矣亦喜吟有幽興詩云終朝一卷自唔吟自署兒童句讀師幼子漸能給樵采老妻從不問晨炊也忙春

新化縣志

卷第二十七

人物 隱逸

二十七

事尋花種偶有閒情理釣絲曾記淵明歸去語樂夫天命復奚疑詩見沅湘耆舊集子必第郡學生亦有父風附錄鄧顯鶴沅湘耆雅重生之與先霞外叟余兄弟童子師也先生受業先大父最久大父供其生而自率家人啖是粗糲先生乃自置一廚別以二具貯米分隆乙巳先子禱於社公爲余兄弟解雲漢之詩至於泣下是年爲生與余總角交此等風義豈易求之於今日耶先生子霞渚茂才必第幽興詩輒令人有霞外之想

龔泰傑字超羣才思敏捷而絕志進取以力耕自給嘗於耕次遇二士不知何許人也問泰傑何業荅曰晝爲天地鋤非種夜課兒孫讀古書士異之問居何村荅曰有餘村士曰有何餘荅曰黃卷五車書是富白雲千頃地非貧二士嘆曰有才如此胡爲老於耕荅曰封侯欺李廣獻賦老相如二士慚而退

彭大模號拙齋幼讀書慷慨有大志飲酒至數斗不亂遭家故頻仍輟習舉子業有弟窘於貲爰析己產之半以遺弟以故家中落晏如也閉戶絕跡不履城市簑衣箬笠釣鮮採茹日與親舊索句飲酒爲樂有秋懷四章驚飈撼庭柯落葉亂如雨曳杖下階除四顧誰與語明河亘西北眾星森列序使我情鬱紆繞舍空延佇涼蟬鳴空林日腳射霞綺展轉暝煙生山翠蕩空起草蟲識將暮切切亂人耳竟夕不成寐挑鐙時臥起起來理鳴琴哀怨情難已東鄰有佳實春華灼桃李松柏森青蒼自顧不如爾穠豔遽幾時獵獵隨風靡毋以脆促姿而與松柏比松柏秉性貞絕不爲人綺鄰生發促柱聞者淚如絲賓鴻無端來客子心魂馳我無雙飛翼何田逐子歸子歸及秋節湘水搖清漪故鄉美蓴鱖呼童驂征騂道兀丙午順天鄉試舉人旭其諸孫也

新化縣志

卷第二十七

人物 隱逸

二十八

晏正式字可儀別號敬軒性曠逸而狷介雖居市廛中有脩然塵埽之意早歲讀書應試屢絀於有司慨然曰丈夫各有志必以一衿爲榮辱耶乃棄舉業襆被一肩徧游陝蜀閒所至交其豪傑見於吟詠同縣劉逢官白水能吏也聞其名招之入幕多所贊畫一旦不辭而去逢使人追之黃河北岸挽留不允予以金亦不受飄然竟去使歸白其狀逢歎息而已歸後築耐寒廬自居一瓢一杖徜徉山水閒飲酒賦詩灑如也久之卒同縣歐陽紹洛志共墓稱爲耐寒散人子大久國子監生孫滋藍翎縣丞曾孫光斌副貢生彭厚輝原名組輝字文錦號霞村大模之子也讀書明大意不屑屑尋章摘句年三十始爲縣學生員尋餼二十人中恬退性成不求聞達日與麴生爲樂數畝之田盡以種秫歲大比或促駕行輝舉杯酌之曰此中固有羲皇趣也晚節益厭人事埽榻枯坐繞宅

澹泉遍蒔蕉菊小圃半弓芥菘成畦以充盤餽酒罏茶竈外別無長物有元旦汲泉口占詩云門徑蕭條無賀刺兒孫暄笑有辛盤今朝汲水煮出茗試探春風寒不寒年六十卒易箒時戒其子曰吾一生幅巾蕭散慎勿以冠帶溷我其曠放若此著有醉餘吟草手隨散佚其弟之子旭求其殘帙得雪中山行一章見沅湘耆舊集續編子履成道光己酉拔貢生

監城吉字穆清性古樸工篆刻喜吟詠居近城人罕見其面晚厭市囂有田在蝦溪村揭家隱焉倡其地之耆老結文社而自爲文以記其略以爲蝦溪地瘠民醇雍然仁里而讀書爲士者少故倡立文社祀文昌爲會不以門第限一十家五家之田社也不以寒暑更一春襖秋襖之慶佳節也不以童冠拘則會稽蘭亭之勝不以道俗隔則應山白社之盟至於會文勸學敦仁講讓旌淑別慝新化縣志

卷第二十七 人物 隱逸 二十九

鋤疆綏善一仿古同井出入守望及今制申明亭良法美意所以勸民睦同姓媼異姓者在此保愛鄰里調救鄉黨振興文教勉爲良士者亦在此文見舊志

劉翼觀以字行善琴隱居三江口終年不入城市鄉里有爭辨羣詣其宅平之無子有二女皆知書曉音律一適同縣卿佐以其先塋族系繪圖俾佐求同縣鄧顯鶴爲阡表

歐陽紹淮字次江詩人紹洛之從弟也行九邑人呼爲歐九先生早歲嘗隸學籍爲諸生中年後棄巾服隱於廛終其身不娶曰吾不以家室自累也所居面市僅容膝嘗署其門曰居惟半弓足矣事以一笑了之其風趣如此年七十餘卒其兄子瑞爲殯葬如禮而屬同縣鄧顯鶴爲之傳

賣詩翁姓楊名興樹字荃甫晚號山樵詩人興植之母弟也性落

拓不求祿仕不矜小節縱情詩酒閒類於放廢者人皆以顛呼之
因號小顛興植秋懷詩所云形骸放浪稱詩伯生計蕭條號醉侯
者卽指此也年六十日事大窘嘗挾其小詩以賣價甚廉里兒爭
賈之遂自號曰賣詩翁縣人劉振翥有賣詩翁詩見沅湘耆舊集
柯老字偉翁隱於醫不知其名入皆以柯老呼之與同縣劉振翥
善振翥亦知醫而隱於酒者也有戲贈柯老詩云柯家巷頭柯老
家東壁傾倒西壁斜落葉滿堦風滿屋籬角連絡牽牛花房空無
人走饑鼠草深沒脛藏修蛇平生性鄙身障簾一朝鬢落蓬生麻
檢點刀圭出囊篋煅煉金石攻癥瘕自言我肱已三折但要人獲
多四楮得錢沽酒便酣飲醉倒不怕形墮車更無妻孥供井臼那
更租稅充官衙仰天何事書怪事得食庶免呼來嗟君家當年笏
滿榻錦韁銀勒輝驪驥邇來門前成葑圃兩部但聞青草蛙詩長
新化縣志

卷第二十七

人物 隱逸

三十

不具錄

王政敏諸生稟質超邁喜爲詩純任性真不假雕飾就傳時卽專
攻其業無儋石儲泊如也善畫松蒼古蒼鬱人爭丐之晚年習形
家術不憚登陟勞有所得卽見諸吟詠易簣時作戒子詩擲筆而
逝年七十著有百穫園詩行世

楊士佑字風雅自號霜巖散人父斌縣學生有文譽性曠達跣弛
不羈士佑少承庭訓究心經史旁及諸子百家學業遂日富邑令
林聯桂臨鄉課士奇其文縣試拔列前茅奇於數未青一衿遂絕
意進取寄情詩酒一發其抑塞磊砢之概邑人鄒溥霖其妻弟也
嘗館其家數載唱和甚相治士佑工手談罕與敵時有楊秋之目
不喜治生人產家無儋石儲弗介意晚益窘徧游百粵閒授徒爲
業所獲脩脯悉以購書有所見輒形諸歌詠顧不自珍惜多散佚

今存者僅繞膝軒藁數卷而已咸豐初有官於粵者聞其名禮聘之未至卒於旅次

譚能儁字嶽靈號翰臣附貢生喜爲詩初學劔南斷斷矜練一字不率下俄以春柳兩律激賞謝督學階樹拔補縣學生弱冠後從其婦翁楊世福游歷燕趙齊魯吳梁閒詩境益恢世福固善書求者趾錯題詠之作多出能儁江右張某將官越欲偕能儁去爲入貲補官能儁以親老不樂仕辭歸終日臨流垂釣訖無所得雨雪往還不厭或怪問之則謂某所得者詩也嗣是人稍稍投以詩無美惡皆酬荅緒社效七賢六逸之游並倡設亭橋石塏以供吟興鳥語溪聲與歌嘯互荅初里中多能文士顧無工韻語者自能儁倡始風氣駸駸一變暮年酒酣每自誦所作至三年鴻爪空南北十載羊裘薄佛仙之句輒掀髯擊節韻出金石其母年屆八十則

新化縣志

卷第二十七

人物 隱逸

三十一

爲之笑吃吃云著有畱耕堂集二卷子忠燕國子生有詩賦稱

張聖陞

劉允沛

喻惟哲

何澤洪

黃 鼇

歐陽梅

羅金鑑

熊

丙

曾天極

曾毓植

羅啟縉

方立肇

應軫

陳今冠

惟琳

蘇士珩

曾亦維

謝學深

李志星
方枝目錄

張聖陞字九儀明諸生遭季世棄儒服業醫畢力內經及靈素張仲景劉河閒辭立齋諸書著有醫案醫論聖陞兄弟六人聖型聖域皆能詩善畫以文章氣節顯舊志稱高士萃於一門聖陞獨以醫著亦有託而逃也

劉允沛字春臺明諸生也精醫術以活人爲心不取謝其孫上進入 本朝以副貢官永明教諭善琴能詩

喻惟哲以字行老於醫居石馬鄉之楊家坪與下渡蝦溪田心諸

村接壤環四村而居者莫不神其術也婦孺皆呼爲喻先生小兒女有病輒抱往喻先生家得一丸卽愈善診能決人死生日期不爽同里鄧勝遠名宿也年七十有八尙館益陽一旦有小恙惟哲診之語其子長智曰大翁撤瑟之期將在五月矣已而果以五月二十日捐館舍時乾隆四十年也惟哲年八十餘卒今無有能傳其技者矣

何澤洪精醫術縣中有奇疾延治必愈嘗語人曰凡治病以傷寒爲要能治傷寒則百病可醫然亦無難能細辨六經則病源縷析矣如病在大陽而用少陽之藥是爲引賊自壞病過少陽而猶用大用之藥是爲誅伐無過病諸內者必形諸外病一分藥止一分如斯調治無不隨手奏效矣至於奇疾又當先顧根本勿妄爲攻治醫之道盡於此矣傳其術者頗有效

新化縣志

卷第二十七

人物 隱逸

三十二

黃鼇字育羣讀書爲郡學生員以多病業醫術精通內經靈素諸書於本草尤熟爲人治病精思審問不得其病情不立方也嘗云望聞問切四字以問爲主切其末也年未五十卒

歐陽梅字泮芹邑增生受醫術於邵陽朱杰誦靈樞素問難經及張機孫思邈諸書數十萬言多通其意醫人多奇效著有醫經匯解諸書

羅金鑑字玉田讀書喜博覽尤好治葬經與邵陽魏源爲戚好嘗爲源擇地於西洞庭鄧尉山及棲霞龍潭諸名勝地葬其先人著支隴承氣論四卷地理綱目六卷源俱爲之序行見藝文志金鑑嘗以道光改元應孝廉方正舉未就家小裕好義舉與同縣鄧顯鶴亦戚好也聞顯鶴言將糾邑人舉行賓興會以資士子鄉會試費金鑑亟從臾之屢以書促顯鶴議未卽行而金鑑病臨革以私

租七十石捐入其境文昌社爲賓興費凡其境之赴鄉會試者皆得與焉其仗義樂善如此子承志雲南試用從九元達邑廩生有熊丙者治形家言最驗嘗爲安化陶文毅澍擇地葬其祖母時澍方數齡丙指而語其父必銓曰後二十年必有興者當以成年入翰林其應在此子乎澍果以嘉慶壬戌館選其奇驗如此文毅貴後訪得其孫某厚資之且求其書傳世而其家無以應也

曾天極字懋建性恬靜精奇門術嘗應童子試已被黜其友促之歸不應曰此科予當爲弟子員姑俟之咸笑其癡已而有以府試卷不符除名者以天極補之或從之學天極曰此河洛自然之理靜悟則知非可傳授得也家居不言休咎然每遇未來事無不驗者將死預知其時日

曾毓植字習之縣學生員工爲場屋文而屢舉不讐發憤攻醫於

新化縣志

卷第二十七

人物

隱逸

三十三

內經靈素及漢以下仲景河間東垣諸書實有體會遇疑難病尤能洞中癥結性癖而迂病家待稍不如禮延之卽不復至人以是望之曾氏爲邑中巨族讀書隸郡縣學者甚多操筆學爲應舉文者無不言醫也毓植從弟毓春字鐵峯尤有聲

羅啟縉字濬藻諸生精岐黃術平生無他好獨喜酒遇酒輒飲飲輒醉惟人延治病則止酒視病瘳乃浮一大白凡所診治十不失一鄉人懷其德羣尸祝焉嘉道閒邑中談名醫者必稱羅洪羅先生也

方立肇字修紀一字平心少敏捷讀書遇目不忘六經註能默識三應童試不售改業醫多採土藥負以濟人有求診者不計寒暑雖星夜必往嘉慶甲戌秋大疫有余某闔家傳染肇適經過邀入視苦無藥貲卽出富家所謝金飲之皆得痊子應軫國子生守正

不阿樂爲義舉倡設育嬰曾多所全活屆清明必督工培修乏冢亦世醫術有謝以金者悉購藥以濟貧病或勸積之以待有餘應軫曰待有餘終無濟人之日守財虜吾不爲也其經驗揀急方時手錄傳送著有醫鏡便讀人爭抄之應軫子振南隸學籍

陳今冠號蘭溪讀書好博覽以體羸善病攻岐黃家言多所研究延治病卽往亦輒效與安化羅文僖繞典爲舊好文僖按察山西時招爲幕客納貲入監呼蘭溪先生嘗爲畫蘭於扇並綴以詩云愛蘭秋易萎偏覓壽蘭方借取生花筆端畱不敗香頃之文僖巡撫貴州復邀同行適其地痘苗盛出養濟院患痘瀕危者且百數十人今冠一一調治皆得愈臨歸文僖謝以重金固辭曰某不能廣濟若輩請存爲升斗之活可乎文僖義之手書元方雅望扁其門著有種痘新編文僖與喬遠炳撫軍各弁言梓行又有陳惟琳

新化縣志

卷第二十七

人物 隱逸

三十四

者好學善吟咏業醫有品格士林重之孫見龍邑庠生

蘇士珩字彥升幼敏誦讀長學爲文亦穎異軼儕輩其師陳筆談素工醫謂其父德伊曰此子天機清妙而不良於行可業岐黃授以難經脈訣見輒了了一婦病眾皆技窮延珩診脉日是爲喜徵應得孿生然一男一女皆不育又診一娠婦曰當生男文男口可成立女次天均奇中其他病瀕死者投之刀圭卽霍然且計其算或半紀或數期月日應言如響時有神醫之目活人不索謝尤加意貧苦雖遠道不以輿從累八若藥不濟終宵不昧也性孝友年四十謂其弟士琛士瑛曰余切父母脈壽應耄耄二弟當逾古稀余稟受薄不過三四年也相持泣下病亟時羣議延醫珩笑謂余病尙可醫耶醫余病尙需人耶遂不藥而逝其先有欲從之學醫者珩謂醫道了於口易了於指難了然於心指之間則尤難今旣

自誤復以誤人罪滋大矣故珩歿後無傳人所箸藥方摘要脈理微參四卷待梓子鼎隸學籍有文名

曾亦維性仁厚外出北河道得銀三十兩覓者予半謝走而卻棄儒業醫有延請者雖莫夜必往家人憫其老勸以少待輒曰古云揀病如揀火稍緩則勢張難措手矣治貧家病不受謝更多資飲謝學深善幼科活嬰無算不索謝嘗於旅舍有素封者年六十始舉一子病垂斃往治之立瘳其家以百金酬卻之席未終而去好垂釣溪邊草木可入藥者縣於釣竿以歸篤內行每以蓼莪詩課子孫讀輒泫然泣下年八十餘歿有李志星者字伴辰究心靈樞素問諸書手錄奇方哀然成帙顏曰續肘後集延之治病雪夜必往子弟或阻其行則曰病者之望醫如旱苗之望雨張介賓嘗言之我年雖老不敢告勞也至則應手取效貧者更施藥揀之晚慕

新化縣志

卷第二十七

人物 隱逸

三十五

董奉之爲人自號杏林子

孟本醇

遷客

柯新佑

鄧枝麟

吳

照

王恆齋

林濟

若若道人

流寓目錄

孟本醇普安州人幼讀書尙氣節有勇力年二十見天下將亂乃棄儒服從戎積功至總兵鼎革後薙髮爲僧初從武岡多福林寺太初和尚授法華經已飛錫邑之高平靈真村從村中王秀才爾雅乞雪山爲古白林寺自號葛天和尙時順治十一年也十五年逃兵掠縣境至村界顏公廟本醇出山撫慰之其黨見其所持鐵拄杖重可百觔遂相戒不敢犯居白林寺九年跌坐而逝葬以瓦棺塔在寺前本醇居邵與王嗣乾釋潛劉應祁澹山交至密酬唱甚多詩未見或曰卽釋本謙

柯新佑福建漳浦人元進士洪武元年由戶部員外郎以事謫邑

蘇溪巡檢遂家焉爲一邑顯族

鄧枝麟字南坡乾隆丁酉拔貢亦有詩名嘗與邑人吳樵孫起柎湘陰周錫溥錫渭兄弟體陵鄢正笏永綏胡啟文稱爲湘中七子者也掌教東山久與樵倡和亦多邵陽唐方耀其詩弟子也吳照字白庵江西南城人工詩善畫與東鄉吳嵩梁蘭雪臨川樂鈞蓮裳皆有盛名於時嘗從其鄉人邑令羅尙嶠來邑與縣人歐陽紹洛聶景台結識礪東集中有爲聶淑衡題吳白庵畫竹詩是也有王恆齋者亦江西人邑令戴高受業師也高爲邑令時與俱來寓邑最久邑人有公請王恆齋先生掌教書院啟殆亦一時名宿也

林濟不知何許人偉軀幹豐頤廣頰嘉慶初攜其妻來邑賃居橫陽山以書法教人其妻佐以紡績生事少給卽閉門不出夫妻相

新化縣志

卷第二十七

人物 隱逸

三十六

對炊煙時斷歌聲不輟也一日偶游市廛遇一賣卜人四目注視不語已而同入酒肆密語移時各痛哭而別人不能測也或曰濟以事出亡此蓋其同罹禍患者也大興范鼇提學湖南濟出投謁鼇禮接之或見其刺稍知爲浙人許姓云

若若道人湘鄉人寓居邑承熙寺以賣畫爲業其畫不名一家隨手作花草禽鳥或自題小詩皆有奇趣款稱若若道人不署其名姓也縣人劉振翥亦奇士也與之狎稍知爲劉綬云

盧 慧 應悅

釋寶臺

釋隱波

釋普惠 道遠

釋寂知

釋悟微

釋載月

汝峯和尚

松石

靈峯和尚

海月和尙

羅秉忠 方外錄

盧慧宋景定時人依首望山天門寺僧普居爲道士首望卽望雲山在縣西南七十里其山高聳盤踞雄跨數邑山頂有石室室旁

有石橫亘層巖下臨虛渺爲慧禮斗處德祐初慧徙居山之南巖尸解去恆幹不腐今存巖中後人因名其山爲盧眞巖今祠祀徧邑中禱雨輒應或云秦盧生隱於此以西望武岡侯生所隱之雲山山因以名故俗又訛慧爲盧生云有應悅者熙甯閒駐錫承熙寺往來邵州有上堂法語云現成公案已無多那堪更涉他門戶見傳鐙錄

釋寶臺崇禎時住邑之熊峯嘗中夜汲水虎踞井上臺爲之說戒虎首冑垂伏移時乃去

釋隱波明季以武官披薙住龍源天螺山寺深林幽僻人跡罕至夜闌老鴉山魈鳴號聲應聞者髮悚隱波一鐙一鉢誦佛經音琅琅達寺外閒爲韻語蓋自是口不談兵矣一日有寇十餘猙獰無人狀挾刃登堂索貨寶隱波婉解弗聽迺手竿植地爲都盧緣橦

新化縣志

卷第二十七

人物 隱逸

三十七

騰而上指諸寇斥曰若以我爲文弱頭陀乎我昔督戰沙場叱咤風雲變色玩強寇頭顱於股掌運丁陽九故隱此耳若有長技者請與角諸寇咋舌羅拜鼠竄去今具鞍轡尙存著有隱波草見藝

文志

釋普惠姓周氏 國初入楚良邨石牛山石室勤清修得辟穀導飲方久之不食不饑持扇一柄曰招雲歲旱能頃刻致雷雨以神藥療諸疾若歷奇驗嘗卓錫黃栗岡令弟子積薪其所已乃從容端坐化身而去烈炬中聞誦經聲不絕黃栗岡寺僧松蔚云瀉山僧譜載普惠以廩生出家自稱來自人天蓋隱語也弟子道遠得其衣鉢安化久旱知縣某遠延至城築壇禱自限三日雨不應縣以左道斥之將擬法遠坐壇手招雲扇數拂閒晴空中頃起陰霾雷聲訇鞞雨如注知縣贈以法應先天扁額懸寺門至今字蹟炳

然而所謂招雲者不知何往矣道遠姓方氏

釋寂知字與峯嗣天童密雲悟師五世孫也得法於慧山知海初

從瀉山來縣住青岡邨盤山康熙初移錫富溪邨大梅山明熙寺

寺有玲瓏巖一夕虎踞其上時康熙三十五年三月八日也寂知撫之摩其頂呼

以大空虎若有喜色起舞蹈空仍臥舊處呼其徒飼以水飯後遂

來去如常寂知自為詩甯鄉陶之典之采皆有知作縣人陳聖銘

有重修明熙寺記均見輿地志寂知性清潔而慧辨長於接引以

明季濟宗大闡湖南自瀉山始而吳浙皆有尊宿收續宗門獨瀉

山地處幽僻未經收錄實為缺典乃為瀉宗拈古彙集一書而其

友古梅與縣人陽文燭洞子皆有序定洌為慧山法嗣文燭則稱

同門法弟蓋儒而佞佛者也寂知自序略云自菩提達摩六世下

臨濟至天童密雲悟實當三十世高踞天童道場為宗門極盛我

新化縣志

卷第二十七

人物 隱逸

三十八

州瀉山當劫灰之後法席久為虛於是橫人復杖乃新祖域而明直

居此山嗣是闡湖南則舉世咸知自吾山祖瀉山始矣第瀉宗在湖

濟宗乃大過口多艱是以近年浙水吳山皆有尊宿收續宗門諸

最幽僻處過口多艱是以近年浙水吳山皆有尊宿收續宗門諸

書獨瀉一宗未採錄顧余樛櫟之質雖忽前法語尚欠登門

終抱歿齒之愧茲投老梅念歲月荒忽前法語尚欠登門

恐人散漫無聞爰於康熙丁巳之夏揀我諸同志若而世代

其人於古無人案於康熙丁巳之夏揀我諸同志若而世代

其使靈山慧命不致寂寥未敢擅僭也康熙辛酉佛誕日嗣天童

所謂自收一家宗譜其他未敢擅僭也康熙辛酉佛誕日嗣天童

密雲悟祖五世孫寂知識

釋悟微不知何許人康熙初來住落伽庵或言其曾中進士為達
官嘗聯其庵云未入斯門早已相見了也既來此地不須更問何
如又贊自繪小像云孤性寒姿枯木門庭冷落嚴霜點精金成鈍
鐵指東土作西方令人灰心迷知全無去住商量自家面目也不
識任他淡墨與濃妝見沅湘耆舊集
釋載月住大梅山明熙寺淹通內典於書無不讀能韻語有伏虎

巖未了子集藁知縣海甯周樂清聞之延至署問曰師名載月能載月幾許荅曰滿船都是月細認渾無痕樂清曰既是無痕載他何用荅曰常得清光在因知不二門道光二十五年卒詩選入沅湘耆舊續集

汝峯和尚失其姓或云楊氏子曾隸於學爲弟子員以家難出亡薙髮爲僧住辰谿其妻跡至之拒不見也與善化湯蟠兄弟友詩篇唱和甚多見沅湘耆舊續集

松石橫楊山寺僧也曾出百金砌石橋於鶯塘東江上復與段起玲修其境金鎖橋凡用工二萬許費白金二千兩有奇出納簿算皆松石主之負運米糧其勞尤甚見起玲橋記

靈峯和尚三塘伍姓子也少孤貧依北界安化挂榜山寺爲僧不誦經不焚香不託鉢惟墾山種茶度日有授以風鑑法者相人多

新化縣志

卷第二十七

人物 隱逸

三十九

奇驗山寺陡峻十餘里就相者踵相接後以直言幾賈禍懲不盡言邑人劉洪澤游覽至寺中贈以聯云靈通大造色形外峯在諸天煙雨中蓋異乎俗僧矣

海月和尙安化李氏子也名日瞻少佞佛以產讓兩兄絲毫不取事繼母最孝繼母手足攣曲性彊項兩兄弗奉饘養日瞻任其勞飲食起居服勤不倦髡髮後迎母於安邑東門寺奉以終年母歿思慕弗置遍謁峨嵋武當五臺普陀及五嶽諸名山祈神佑不墮輪迴已而行腳縣北楚良邨之朝陽庵精修十餘載時或數日不食或跣足走大雪中朗誦經偈同治初來上廟邨黃沙洞住數月圓寂其徒之在安邑者舁尸歸積薪火之初不然有頃黑雲從酉起雨驟至霹靂一聲火發煙燄漲空剎那化盡

羅秉忠有道術好游洞壑因棄家不知所之閱五十載有牧豎於

橫溪洞見一人鶴髮朱顏乘雲而出自稱羅道眞官長嘯一聲雷
電交作返則洞戶忽扃至今石壁隱畱人蹟歲旱禱雨輒應鄉人
崇奉之

新化縣志卷第二十七終

新化縣志

卷第二十七

人物

隱逸

四十